



Inatsisartuni ilaasortaq Steen Lyngé,  
Atassut

### Apeqqummut nr. 43, 2016-imut akissut

Inatsisartut suleriaasianni § 37 naapertorlugu imaattumik  
apeqquteqaateqarsimavutit:

### Nuna tamakkerlugu inuiaqatigiinnik taasisitsinissaq 2017-imi Nunatta karsianut qanoq annertutigisumik naleqassava?

#### Akissut:

Innuttaasunik taasisitsinermerut aningaasartuutunik missiliuussineq soorunami  
nalorninaateqassaaq. Ilaatigut aningaasartuutissat annertussusissaannut  
apeqqutaassapput qanoq annertutigisumik paasisitsiniaassutissanik  
oqallinnermilu tunnga-vissanik suliaqartoqartariaqassanersoq, assersuutigalugu  
filmiliornermik paasisutissanillu suliaqarnernut, innuttaasunik  
ataatsimiititsinernut tusarniaanernut il.il.

Nunatta karsianut kingullermik nunatsinni innuttaasunik taasisitsinermerut ani-  
ngaasartuutaasut Naalakkersuisut Siulittaasuata Naalakkersuisoqarfianiit  
naatsorsorneqarsimapput 2 mio. kr.-it missaannut. Tamatumani pineqarpoq  
namminersoneq pillugu inatsisissap taasisutigineqarnera, 24. november 2008  
ingerlanneqartoq.

Taamani aningaasartuutaasut agguataarput taasisitsinerup ingerlanneqarnissaanut  
aaqqissuussinermerut 500.000 kr.-it missaat, taasisitsivissamik suliaqarneq  
naqitserisitsinerlu, nassiussuineq, annoncinut aningaasartuutit aamma  
siunnersortinik sulisitsinernut aammalu 1.520.000 kr.-it tapiissutigineqartut  
paasisitsiniaannernut oqallititsinernullu.

Inussiarnersumik inuulluaqqusilluta

Med venlig hilsen

  
Vittus Qujaukitsoq

16. februar 2016  
Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isi-  
in@nanoq.gl